

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 46/14
Sarajevo, 04.07.2014. godine

ZAPISNIK
SA SJEDNICE UDRUŽENJA SUDIJA/SUDACA U FEDERACIJI BOSNE I HERCEGOVINE ODRŽAN
04.07.2014. GODINE

Sjednica je održana u prostorijama Vrhovnog suda u Sarajevu sa početkom u 12:00 sati

PRISUTNI ČLANOVI US FBiH: Božana Banduka, Mirjana Dević, Jasmin Jahjaefendić, Šabić Mustafa, Stjepan Mikulić, Amir Ahmetpahić, Zuhdija Čosić, Nedim Begić, Aladin Bajrić, Jozo Anđić.

ODSUTNI ČLANOVI US FBiH: Enisa Halilović (opravdano), Zdenka Filipović (opravdano), Emilija Zrnić (opravdano), Vildana Helić (opravdano), Ibrahim Čolić (opravdano).

DNEVNI RED

1. Usvajanje zapisnika sa prethodne sjednice USFBiH (09.05.2014)
2. Određivanje novog termina odgođene Izborne skupštine USFBiH u Zenici (ostale aktivnosti povodom izborne skupštine....)
3. Problem smještaja - kancelarije Udruženja sudija/sudaca FBiH
4. Izbor novog člana UO CEST FBiH ispred USFBiH (umjesto Sadete Veladžić – prestao mandat prelaskom na Okružni sud u Banja Luci)
5. Razno

Dnevni red usvojen bez primjedbi.

AD.1

Zapisnik sa sjednice USFBiH koja je održana 09.04.2014. godine u Sarajevu je usvojen bez primjedbi.

AD.2

Predsjednica Udruženja sudija/sudaca FBiH g-d]a Božana Banduka je upoznala prisutne članove predsjedništva sa svim organizacionim aktivnostima sekretarijata Udruženja i razlozima odgode Izborne skupštine Udruženja. Prisutni članovi predsjedništva su primili na znanje aktivnosti i donesena je odluka da se za novi termin Izborne skupštine odredi 13.09.2014. godine a sekretar Udruženja se obavezuje da izvrši sve pripremne aktivnosti.

Predsjedništvo Udruženja je zaključilo da na prijedlog zaključaka za Izbornu skupštinu koje je sastavila predsjednica, se dostavi svim članovima predsjedništva putem e-

maila te ako imaju kakvih sugestija ili primjedbe na prijedlog zaključaka dostave e-mailom najkasnije do 01.09.2014. godine

Predsjedništvo ovlašćuje sekretara Udruženja Denisa Bilajca da izvrši sve tehničke pripreme oko Izborne skupštine. Sjednica predsjedništva je zakazana za 13.09.2014. u 11:00 sati u Zenici (sat vremena prije početka izborne skupštine)

AD 3.

Predsjednica i sekretar Udruženja su upoznali prisutne članove predsjedništva sa problemom smještaja kancelarije i iseljavanja iz kancelarije u zgradi Vrhovnog suda FBiH. Predsjedništvo je zaključilo da se uputi dopis predsjedniku Vrhovnog suda da se očituje pismeno da li postoji mogućnost dobijanja samostalne kancelarije u prostorijama Vrhovnog suda za potrebe Udruženja.

Član predsjedništva Aladin Bajrić je dao prijedlog da se od sredstava Udruženja kupi poslovni prostor ili manji stan i tako riješi problematika oko smještaja Udruženja. Ostali članovi predsjedništva su prihvatili taj stav i zaključili ako bude negativan stav predsjednika Vrhovnog suda oko budućeg smještaja kancelarije Udruženja u prostoriji Vrhovnog suda FBiH, da se pripremi za Izbornu skupštinu prijedlog za kupovinu nekretnine za smještaj kancelarije Udruženja i da tu odluku donese Izborna skupština 13.09.2014.

Predsjedništvo je donijelo odluku da se opišu električni uređaji iz kancelarije Udruženja na koje nisu moguće uraditi opravke ili su te popravke neisplative.

AD 4

Predsjednica je upoznala prisutne članove predsjedništva sa dopisom CEST FBiH broj: 05-05-498-01/14 od 04.06.2014. u kojem se zahtjeva od Udruženja da se izvrši reizbor jednog člana Upravnog odbora CEST FBiH kojoj je istekao mandat po članu 5.a. stav 1. tačka 1. Zakona o Centru za edukaciju sudija i tužilaca u Federaciji BiH. Utvrđeno je da to mjesto pripada članu iz Ogranka Unsko-Sanskog kantona i prije početka sjednice od predsjednika ogranka je zahtijevano da predloži zamjeskog člana ispred svog ogranka. Na sjednici ogranka Unsko-sanskog kantona kao predložen je g-din Aladin Bajrić kao prijedlog za člana UO CEST FBiH. Članovi predsjedništva su jednoglasno prihvatili prijedlog i donijeli odluku da se g-din Aladin Bajrić imenuje po dopisu CEST FBiH broj: 05-05-498-01/14 od 04.06.2014 kao član Upravnog odbora CEST FBiH.

AD 5

- Predsjedništvo je upoznato sa odlukom dosadašnjeg finansijskog saradnika Udruženja g-dina Šaćira Muratbašića da zaključno sa 30.06.2014. prestaje sa radom u Udruženju. Predsjedništvo je primilo ovu odluku na znanje i donosi odluku da zaključno sa 30.06.2014. prestaju važiti ugovor o djelu i sve ovlasti koje su date Muratbašić Šaćiru.
- Kao prijedlog za poziciju novog finansijskog saradnika predložena je g-dja Amira Fočo certificirani računovođa iz Sarajeva koja bi vodila finansije Udruženja pod istim uslovima kao i njen prethodnik. G-dja Fočo je imala sastanak sa predsjednicom Udruženja i nakon intervjua i podjele impresija o kandidatu sa članovima predsjedništva, predsjedništvo je donijelo odluku da se kao novi finansijski saradnik Udruženja primi g-dja Amira Fočo certificirani računovođa pod istim uslovima koje je imao njen prethodnik.

- Predsjedništvo Udruženja je na prijedlog predsjednice jednoglasno donijelo odluku da se tehnički sekretar Udruženja Denis Bilajac primi u radni odnos na određeno vrijeme u trajanju od godinu dana.
- Članovi predsjedništva iz Unsko-sanskog kantona Zeničko-dobojskog kantona i Srednjobosanskog kantona su iznijeli problem neredovnih isplata plata u tim kantonima ne isplate regresa i neusklađivanje plaća. Nakon rasprave između prisutnih članova predsjedništva donesena je odluka da se uputu dopis na premijere, ministre finansija i ministre pravde USK, SBK, ZE-DO, TK i institucija na federalnom nivou u kojem se ponovo upozorava na nepoštivanje Zakona o plaćama i drugim naknadama sudija, tužilaca i stručnih saradnika u Federaciji BiH, u pogledu redovne isplate plaća, usklađivanja plaća sa rastom prosječne plaće u FBiH, isplatom regresa i drugih naknada koje proizilazi iz naprijed navedenog zakona. Kopiju dopisa da se dostavi VSTV-u
Također je donesena odluka da se Udruženja oglasi sa saopštenjem za javnost radi gore navedenih razloga.
- Predsjedništvo je primilo zahtjev od ogranka Posavskog kantona i Tuzlanskog kantona o upućivanju pomoći za članove koje su pretrpili štetu povodom poplava koje su se desile sredinom mjeseca maja na većem djelu BiH. Nakon utvrđivanja činjenica, rasprave i provjere statuta da li postoji mogućnost da se po ovom osnovu izdvoje sredstva za pomoć predsjedništvo je donijelo odluku: „da se odobrava da svi ogranci koji su teško pogođeni katastrofalnim poplavama polovinom mjeseca maja 2014. godine u Bosni i Hercegovini mogu povući sredstva, ukoliko već nisu iskorištena, od članarine po članu 20. Statuta Udruženja za 2012, 2013 i 2014. godinu te ih preusmjeriti za pomoć članovima Udruženja ili pravosudnih institucija kojima je navedena katastrofa pričinila veću materijalnu štetu“.

Sjednica je okončana u 14:00 sati

**Predsjednica Udruženja
sudija/sudaca u FBiH
Božana Banduka**